

**Namminersornerullutik Oqartussat kommunillu inissiaataasa attartortittakkat teknikikkut aningaasatigullu nalilivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersaq (Historisk)**

Inissianik attartorneq pillugu Inatsisartut peqqussutaanni nr. 5, 31. maj 2001-meersumi § 11, imm. 6, Inatsisartut peqqussutaatigut nr. 2, 21. maj 2002-meersukku allanngortinneqartumi, Namminersornerullutik Oqartussat kommunillu inissiaataasa attartortittakkat pigisatut inissianngortissinnaanerata pillugu Inatsisartut peqqussutaanni nr. 5, 21. maj 2002-meersumi § 7, imm. 4 aamma Piginneqatigiilluni inissiat pillugit Inatsisartut peqqussutaanni nr. 1, 31. oktober 1991-meersumi § 23, imm. 4 malillugit aalajangersarneqarput:

§ 1. Inissianik Namminersornerullutik Oqartussanit kommuninillu pigineqartunik nr. 1-imiit 3-mut taaneqartunik teknikikkut aningaasatigullu naliliinermi tunaartassat immersugassarlu tassunga atasooq ilanngussaq 1-itut ilanngunneqartut atorineqassapput inissianut:

- 1) Inissiani attartortittakkani iluarsaanneqarsimasuniittunut.
- 2) Inissianut attartortittakkanut pigisatut inissianngortinneqarsimasunut.
- 3) Inissianut attartortittakkanut piginneqatigiilluni inissianngortinneqarsimasunut.

§ 2. Nalunaarut atuutilerpoq ulloq 1. junip 2003.

Namminersornerullutik Oqartussat, ulloq 12. maj 2003

Mikael Petersen

/

Dorthe Johannsen